



**Тұрсынов Әділет,
№ 2 Новоишим орта мектебінің 5 сынып оқушысы**

Мен-қазақпын,мың өліп,мың тірілген.
Жүрегімде таныстым мұң тілімен,
Жылағанда жүрегім күн тұтылып,
Қуанғанда күлкімнен күн тірілген.
Мен-қазақпын, биікпін байтақ елмін,
Қайта тудым, өмірге қайта келдім.
Мен мың да бір тірілдім мәңгі өлмеске,

Айта бергім келеді, айта бергім,- деген Жұбан Молдағалиев ақынмен бірге толғанып, әлемге жар салғым келеді. Өйткені, мен азат елдің ұланымын, Қазақстан деген байтақ елдің азаматымын. Менің Отаным-Қазақстан. Мен Қазақстанның азаматы болғанымды мақтан етемін. Қазақстан жері бай, оның кең байтақ даласына көз жетпейді, сұлулығына тіл жетпейді. Ал менің елім қаһарман да батыл, шешен де күреске, батыр халық. Ол өмір бойы ерлікке ұмтылған, сол үшін күрескен. Ел басына күн туғанда, талай-талай батырлар шығып, жаудан елін қорғап отырған. Ал бүгін Қазақстан бейнесі адам танымастан өзгерген.

Бүгінгі Қазақстан-әлемдік аренада өз орнын ойып алған, Азия мен Еуразияны мойындата білген өжет елдің мекені.

Мен-өркениет өріне қадам басқан еркін елдің өренімін. Өткенге бойлап, бүгінгі ақыл-таразасына салып баға беру,ғасырлар тоғысында өмір сүріп жатқан қазақ мемлекеті туралы өз пікірін айту менің де парызым сияқты.

Туған жерін сүймейтін адам жоқ. Тек өз сезімін әркім әр түрлі жеткізуі мүмкін. Суретшілердің тілі – бояу, музыканттардың тілі-музыка, ал ақын, жазушылардың тілі –сөз. Ал менің тілім - қазақ тілі. Қазақ тілі - менің ана тілім.

«Адам өмірбаяны сияқты мемлекет тарихында да қоғамның, мемлекеттің мекендік –саяси орны, соған сәйкес астананың орналасқан жері туралы пайымы өзгертуге итермелейтін беймаза кезеңдер болады. Осындай тарихи уақыт белесінде астананы ауық-ауық ауыстырудың салдарынан сырт көзге абыр –сабыр оқиғалар

[Введите текст]

өтіп жатқандай көрінеді. Бірақ олар елдің ұзақ ғұмыры мен кемел келешегі үшін, тұрақты даму үшін қажет құбылыстар болмақ», - дейді Нұрсұлтан Әбішұлы Назарбаев.

Нұрсұлтан Әбішұлы Назарбаев. 1940 жылы 6 маусымда Алматы облысы, Шамалған ауылында бақташының жанұясында дүниеге келді. Балалық шағында ұшқыш болуды армандады, бірақ металлург болып жұмыс істеді. Ал 1967 жылы Қарағанды металлургия комбинатының жанынан ашылған институтты бітіріп, сол жердегі зауыт меңгерушісі, содан соң Теміртау қаласының КПСС қалалық комитетінің екінші хатшысы болып іс атқарады. 1991 жылдан бастап, Нұрсұлтан Әбішұлы Назарбаев Қазақстан Республикасының Президенті. Қазақстанның тұңғыш Президенті болып саналады. Астана және Президент – егіз. Астана және Президенттің тарихы бірдей деп санаймын.

Астана – Қазақстанның астанасы. 1832-1961 жылдар аралығында қала Ақмола қаласы болып аталды. Ал КСРО –да тың және тыңайған жерлерді көтергенде, Целиноград қаласы болып өзгертілді. Қазақстан тәуелсіздік алғаннан кейін астананы көшіру шешімі қабылданды. Сөйтіп, Қазақстанда жаңа астана пайда болды. Қаланың аты жаңаша - Астана деп аталады.

Астана – арман қала,
Бағы бір жанған қала.
Тұрады ол жап-жасыл боп,
Мен үлкен болболғанда да,
Төкті оған нұрын дала,
Астана –сұлу қала,
Біз оны анамыздай,
Сүйеміз шынында да.
Жүректе сақтап атын,
Жүретін салтанатым.
Астана – биігіміз,

Биіктер күнге жақын,- деп, Тұманбай Молдағалиев ақынымыз жырлап, әлемге аты шыққан астаналардан да сәулетті болуын қалаған ғой. Өткен жылғы жазда Астана қаласында болдым. Қаланы машинамен араладық. Көлік және коммуникация министрлігінің зәулім ғималаты бірден көзге түседі. Тақтай мен зымыраған көлік қалаға жақындаған сайын, аққудың қанатындай аппақ биік мұнаралары мен күнге шағылысқан алтын күмбезді, сәнді де сәулетті мешіт оң жақтан еріксіз көз тартады. Ендігі сәтте кәдімгі бір шеңбер сызығының бойын қуалай орналасқан сәулетті ғимараттар тізбегін қақ жарып, әлгі шеңбердің ортасына

[Введите текст]

жақындаған кезде оң жақтан күміс сәулелі Бәйтерек мұнарасы көрінеді. Даңқы алысқа кеткен «Астана-Бәйтерек»қазақ елінің символы іспеттес. Астанада талай-талай мамандық алатын білім ошақтары бар екен. Университет, институт, колледж, училище тағы басқа ғылыммен шұғылданар ұрпаққа жағдай жасалып, есігін айқара ашуда.

Астана-Қазақстанның саяси өмірінің орталығы. Мұнда Президент, Парламент, Үкімет үйлері орналасқан.

... Тәуелсіз қазақ елінің желбіреген көк жалауы Елорда көгінде қалықтауда. Республика даңғылымен жүріп келеміз. Бас көпірден қаланың тура орталығына апаратын жол бұл. Сол қанатта-түріктердің «Ахсел» компаниясы салған «Самал» ықшамауданы жайласқан.

Тұрғын үй кешеніде 16 қабатты 64 пәтерлі мұнара үйлер сап түзеп тұр. Даңғылдың екі шетінде самал желмен баяу тербелген ақ қайыңдардың жас жапырағы үлбірейді. Астананың қай бұрышында ат басын тіресеніз, бір жақсысы, телефон-автоматтар өте көп. Зәулім де сәулетті үйлер төбесі мен маңдайшасындағы жазулардан көз сүрінеді. Тура Алматыдағыдай – «Шапағат», «Мобил-цесна», «Бұлақ». Төңірек мұнтаздай, қисық түскен бір тал шөп таппайсың. Бүгінде тұтастай құрылыс алаңына айналған Астана күн өткен сайын көркейе түсіп, еліміздің ең сәулетті қаласына айналып келе жатыр.

Ал бүгінгі –Астана,

Арда туған-

Ардақты да киелі.

Асқақ қала -

Асыл тастан сүйегі.

Құба жаннан-қуат алған күдірет!

Қуанғаннан төбем көкке тиеді.

Бұл ендігі-Елорда,

Ерке Есілдің жағасында,

Ертегідей сән-елге,

Ерлігіңді әлі талай дәлелде...

Жаңа ғасыр ғажабынан жаралған.

Мәңгі Астана,

Ең жас қала әлемде! - деп С.Тұрғынбекұлы дәл жырлайды.

Астананың түнгі келбеті ертегі дерсіз. Жер дүние самаладай жап-жапырақ. Зәулім үйлердің қабырғаларындағы айшықты шамшырақтар жұлдыздармен жымыңдасып, тіл қатқандай. Астанада баспа өнеркәсібі және тоқыма жеңіл өнеркәсібі өте жақсы дамыған. Сондықтан да, бізде ғаламат кәсіпкерлер де, қолы шебер ісмерлер де көп. Барлық мемлекеттерді жақындастыру, тату-

[Введите текст]

тәтті өмір өткізуге қарлығаштай қанатымен су сепкен, бүкіл әлемге »Бейбіт өмір сүрейік, соғыс деген сойқан болмасын, достықтың керуен көшіне өтейік!» деген елбасы Нұрсұлтан Әбішұлы Назарбаев үніне үлес қосқан елшілер үшін «Әлемдегі достық ғимараты» да Астанада бой көтеруде

Жаса жайна, ару қалам-Астана!

Қазақ болып туғаным мақтанам.

Өнеріне өркендеген өренім,

Сүйсінемін, қызығамын, шаттанамын!

Астана және Президент туралы айтар сөз шексіз, асқаралы биік.

Мен қазір 11 жастамын. 11 жылда тәуелсіздігіміз орнығып, мемлекетіміз кемелденіп келе жатса, мен де азат еліммен бірге есейіп келе жатырмын. Жиырма бірінші ғасыр басталған шақта, Қазақстан қанат жайып, қанатты тұлпарға ұқсап, жылдамдық алып, аспанға самғап ұшуға дайын.

Қазақстан дүние жүзіндегі дамыған елдердің бірі болуы-ақиқат. Менің болашақтағы мақсатым – жоғары білімді маман болып, еліміздің өркендеуіне үлес қосу.

Қазақстанымыз гүденіп, жеріміз көріктене берсін!

Гүлдене бер, Астана – гүлдене бер, Президент!